



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispvtatio De Statv In Qvo Sint Beatorvm Animae Post
Hanc uitam, ante ultimi iudicij diem**

**Dévay Biró, Mátyás
[Nürnberg], [1537]**

VD16 D 1300

Condem. Censvrae.

urn:nbn:de:hbz:466:1-34195

mater uirtutum sit, mater non potest carere sua prole, sic fides suis operibus, quæ ad fidei sequelam necessario requiruntur, sed non ad iustificationem spiritus. Si Fratri creditur, nec latro est saluatus, nec tot puerorum myriades, qui nihil operum fecerunt. Persalæ nugæ sunt Fratris somnia.

PROPOSITIO XVIII.

NAM si in te haberetis quo saluari possetis, quid crederetis?

CENSURA.

EN quod scripturis probare non potest, quam subtiliteratione munire conatur.

CONDEM. CENSURÆ.

NON est certus ordo propositionum, sed miscellaneus, Nam quicquid potuit inuenire a me uel dictu uel scriptum, ille uit in chartam. Cæterum cum fides sit donum Dei, Chrysost. Hebræ, 11. Quia Deus nobis fidem infundit, Et Ephe, 2. & sit in nobis, cauillatur Frater me mihi ipsi esse contrarium, prædicat, inquit credendum esse, cuilibet saluari per fidem, quæ est in nobis, & idem abnegat, non esse credendum eo saluari posse, quod est in homine. Hæc est argutia Monachorum, & profecto recte ille dixerat, Sophista omnis odibilis est, multiplicat uerba non necessaria. Toties de natura fidei dixi, quæ in nobis est non natura sed gratia, Precium uero salutis nostræ Christus est, quem fide apprehendimus. Saluamur ergo beneficio fidei existentis in nobis per Dei gratiā & in nitentis in Christi satisfactionem. Nam fidei nostræ finis non est conditio dignitatis nostræ, sed misericordia

chrysostomus
ephes. 2.

Sophista odibilis est

sericordia Dei. Et sicut opera (inquit Frater) sine Christi
merito, sic etiam uniuersaliter, meritum Christi sine operi-
bus non saluat. De merito Christi apud nos tristis spiritalles
altissimum erat silentium, sed nunc occipiunt nominare, sed
more Pelagianorum, quib⁹ cum ex uno pregnati sunt uno;
Christus adeo imperfectus est Monachis nostris, ut ad salu-
tem nostris egeat operibus, qui tamen perfectus factus est
omnibus obtemperantibus sibi ad salutem. Et clamat Esai-
as omnes iusticias nostras mentiro pollutas esse. Idem
cap.47. Opera tua non proderunt tibi, sed qui fiduciam ha-
bet mei, hæreditabit terram &c. Et Christus etiamsi feceris
tis omnia, dicate; servi inutiles sumus, Lucæ 17. Non intres
in iudicium cum seruo tuo &c. Non secundum opera no-
stra facias nobis. Pro nihilo saluos facies eos, honorum meo
rum non eges. Si nostra opera sunt ad salutem necessaria,
tunc & fides erit conditionalis, tam uili addixerūt isti Thra-
sones sanguinem Christi, & Dei patris misericordiam. Ad-
mittit q̄ opera possint saluare, sed merita Christi sine ope-
ribus non posse saluare contendit. Vere impium est nostro-
rum spiritualium dogma, & nimis q̄ uere spiritualium, id
est dæmoniacorum, nam & dæmones spiritus sunt.

PROPOSITIO XIX.

Iustitia cordis fides est, iustitia operum charitas.

CENSURA.

Charitas non tantum est iusticia operum, sed & cordis
& operum omnia mundans. Lucæ 11. Charitas uni-
versalior est fide, si fides corda purificat, charitas omnia.

m 2 Condem.